

مخلص ومجاهد

مخلص ومجاهد
إثنين إخوان
رايحين المظاهرات
واحد مع وواحد ضد
وأسيب مخلص
يحكيلكوا الحكاية
حكاية موصلة للنهاية
ياريت نفهم ونستوعب
نخاف على بعض
نخاف عالعرض
نخاف عالارض
رايح مصر أنا وأخويا
مصروف من أبونا وخدينه
كل واحد راكب راسه
شاييل فاسه سايق

عنده عارف دينه
بيظن إنه معاه الحق
ومنه الحق سارقينه
الأم صابرة مطحونة
ماهى قادرة تناصر
حد عالتانى
عارفة مين فينا أنانى
لكن هى هى الأم خايفة
أفراح بلون الدم
ومن تانى تشيل الهم
مايهما مين الفالب
من المغلوب
م الخوف قلبها مرعوب
بتتمناها سلمية
وأرجع تانى أنا وأخويا
متعامل بحنية
وتعود أ حلامنا وردية
أبونا دموعة جوة عينيه

محبوسة بيقول
دى سياسة منجوسة
ماقادر يمنع المصروف
وأفكاره ماليها الخوف
خايف منه نفرغ عين
أو واحد يسب له دين
أصلنا حقيقى فراعين
ياولادى بلاش
منها دى السفارة
كمان ملعونة
دى الثورة
سوا نقعد ونستنى
كمان بكرة
ونتسامح ونتصالح
عمر الشر ما هو فالح
كان نفسى يابه أسمعك
وأنصاعك لكن
تلشك مالينى

يسيب دينه أسيب ديني
وايه يضمئلى سلمية.
وايه يضمئلى شرعية
وايه يضمئلى ما أتأخذ
أخاف نظام يكون جاحد
ماهيسيبني معاك قاعد
أخاف أرجع هنا وحدي
أفوته هناك يتوه بعدي
أو ألقى صورته عالشاشة
أو معموله كماشة
تروح الروح خلاص يابه
ماهيش فرقة خلاص
يايه ماعدش وضوح
وصلنا وأخويا خط النار
عيني عنه بتدور كانت عينه
تطق شرار كانت الهمة
مشحوذة كل جماعة
م التانية منبوذة

أخويا حقيقى أنا أحبه
ياريت يفهم ويتصور
عمرى كنت أ نام جنبه
مايفصلنا سوى
العتمة حقيقى
حياة كانت قاتمة
كانت أزمات تقربنا
تاخذنا لظمة ورا لظمة
لأحضان بعض
وهربنا وماتعبنا
كننا سوا نتاج مصرى
نساچنا أصله
كان حصرى
وقمشة تشوفها
دى غريبة
مزاج من كد ويا
الجد مع طيبة
زعتت بعزم

مأفيا يامجاهد
ليه عنى
وهتباعد يامجاهد
أهه العالم عليك شاهد
مين هنا راح يداوينى
مين دمي من دمه
ف شرايينى
مين بيا وراح يهتم
مين عنى يشيل الهم
طالبين دم
يعلا الصوت
إسعاف جى
ف لحظة سكوت
شاييف كام جثة
كانوا عالارض
كانوا جايين
هيجموا الحى
أخويا خلاص

ماعاد ظاهر خلاص
يا به من ظالم
ومين ظاهر
راجع بلدنا تانى
الهم كمان
ملانى كان نفسى ألقاه
سابقتى ف القطر
يكون معايا نرجع
نبنى الصروح
أمى أكيد هتسألنى
لازم أخبى لازم أدارى
أبويا ف عينه نظرة شك
ولسان حاله
بيقوللى كلامك
م الحقيقة عارى خوفى
تكون سبب عارى
طب من مين هاأخذ تارى
مر يومين

وأنا قاعد ومستنى
خايف من خوفى
قاتلنى خايف ظنى
فين اراضيك يامجاهد
وأنا آجى أراضيك يامجاهد
كان بيقوللى
ليه ساكت
وفين ضميركوا
ليه ماتت
باقى دقايق
على المدفع دقايق
والآدان يرفع سامع
هيصة ف الشارع وناس
على أبويا بتنادى
وناس بيقولوا فين مخلص
وصوت أمى ليه ياولادى
مجاهد حى مجاهد جى
مجاهد والله ماله زى

وقفت عربية عند البيت
قوام بصيت
شوفت سواد صرخت بكيت
وايد أبويا على كتفى
وبيقوللى خلاص حنيت
علم مصر كانوا
لفينه عالتابوت
وصوت أمى ف ودانى
مليون صوت
كضرب السوط
قتلت أخوك منين مخلص
يا إسم ماكان على مسمى
ياقلب وعمره كان أعمى
أنا ماقتلته يا أمى
أنا قلبى عليه يدمى
إسكت خلاص ماتتكم
أنا عارفة من الأول
أنا الغلطانة بأندم

خفت نضيع أنا وأبوكوا
ف الرجلين كانت منى ودامعة
العين كنتوا إثنين واحد
داين والتانى قليل الدين
ماعدش عندى غير واحد
بس القلب ليه جاحد
قلب إسود بلون الليل
هيعيش عمره قلب ذليل
دايما هيفكرك بأخوك
وإن نسى مرة هنفكرك
أنا وأبوك
هتعيش بس وسط الشوك
خيال مآة عليه مضحوك
خيال مآة
عليه مضحوك
عليه مضحوك